

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

খাদ্য নিরাপত্তা নিয়ে কাজ করার জন্য ইউএসএআইডি'র কর্মকর্তারা বাংলাদেশে আসছেন

ঢাকা, ২০শে অক্টোবর -- যুক্তরাষ্ট্র আন্তর্জাতিক উন্নয়ন সংস্থার (ইউএসএআইডি) খাদ্য নিরাপত্তা বিষয়ক
ব্যরো (ব্যরো অব ফুড সিকিউরিটি)-এর প্রশাসকের সহকারি পল ওয়েইজেনফিল্ড এবং সংস্থাটির “অফিস অব ফুড
ফর পিস” এর পরিচালক ডিনা এসপোসিতো আগামী শনিবার, ২২শে অক্টোবর ঢাকায় আসছেন। পাঁচ দিনের
এই সফরে প্রতিনিধিদলটি ক্ষুধা ও খাদ্য নিরাপত্তাহীনতার মূল কারণগুলো নির্ণয়ে দেশীয় ভিত্তিতে কৌশল
নির্ধারণের জন্য যুক্তরাষ্ট্র সরকারের অব্যাহত সহায়তার বিষয়ের ওপর জোর দেবে।

বাংলাদেশ সরকারের গুরুত্বপূর্ণ কর্মকর্তাদের সাথে বৈঠক করা ছাড়াও প্রতিনিধিদলটি ‘ইউএসএআইডি’র
মাঠ পর্যায়ে চলতি কার্যক্রম মূল্যায়ন এবং খাদ্য নিরাপত্তায় বিনিয়োগ বৃদ্ধির সাম্প্রতিক পরিকল্পনার জন্য বরিশাল
ও খুলনা অঞ্চলের প্রকল্পসমূহ পরিদর্শন করবেন। তারা অল্প সার ব্যবহার করে উচ্চ ফলনশীল শস্য উৎপাদন
করছেন এমন কৃষকদের সাথে দেখা করবেন, উৎপাদন বাড়তে নতুন বৈজ্ঞানিক কৌশল ব্যবহারকারী চিংড়ি
চাষীদের সাথে মতবিনিয়য় করবেন, গবেষকদের সাথে দেখা করবেন এবং চাল ও ভুট্টা জাতীয় শস্যের জন্য উচ্চ
ফলনশীল জাত উৎপাদনের অগ্রগতি প্রত্যক্ষ করতে পরীক্ষামূলকভাবে ব্যবহৃত জমি পরিদর্শন করবেন।
প্রতিনিধিদলটি বাড়ির বাগানে শাক-সজি ফলানোর জন্য ‘ইউএসএআইডি’ যাদের প্রশিক্ষণ দিয়েছে তাদের সাথেও
দেখা করবেন।

২০১০ সালের মে মাসে “ফুড সিকিউরিটি ইনভেস্টমেন্ট ফোরাম” -- যা বাংলাদেশ সরকার,
‘ইউএসএআইডি’ এবং এক্সেত্রে কর্মরতদের একত্রিত করেছে যার ফলে বাংলাদেশে যুক্তরাষ্ট্র সরকারের “ফিড দ্য
ফিউচার ইনিশিয়েটিভ” এর সূচনা হয়েছে -- এর পরবর্তী পদক্ষেপ হিসেবে এই পরিদর্শনের আয়োজন করা
হয়েছে।

পল ওয়েইজেনফিল্ড প্রেসিডেন্ট বারাক ওবামার “ফিড দ্য ফিউচার ইনিশিয়েটিভ” কর্মসূচীর নেতৃত্বে
রয়েছেন। এই কর্মসূচীর মাধ্যমে বিশ্বের সাতটি দেশে বৈশ্বিক খাদ্য নিরাপত্তার অভিঘাতসমূহ মোকাবেলা করতে

সাড়ে তৃষ্ণ’ কোটি ডলার ব্যয় করা হবে। ডিনা এসপোসিতো বিশ্বের ৪৬টি দেশে বিস্তৃত ‘ইউএসএআইডি’র বার্ষিক ২১০ কোটি ডলারের খাদ্য সহায়তা কর্মসূচী পরিচালনা করছেন।

১৯৭১ সাল থেকে এ পর্যন্ত যুক্তরাষ্ট্র সরকার ‘ইউএসএআইডি’র মাধ্যমে বাংলাদেশকে ৫শ’ ৮০ কোটি ডলারেরও বেশি উন্নয়ন সহায়তা প্রদান করেছে। তাৎক্ষনিক খাদ্য সহায়তা ছাড়াও ‘ইউএসএআইডি’ কৃষিতে উচ্চ শিক্ষা ও কৃষি গবেষণার সুযোগ সুবিধার উন্নয়ন উৎসাহিত করতে বাংলাদেশে উল্লেখযোগ্য অবদান রেখেছে। যুক্তরাষ্ট্র সরকারের সহায়তা গম গবেষণা কেন্দ্র, বাংলাদেশ কৃষি গবেষণা ইনসিটিউট এবং বাংলাদেশ কৃষি গবেষণা কাউন্সিল প্রতিষ্ঠায় সাহায্য করেছে। ১৯৬২ সালে প্রেসিডেন্ট জন এফ. কেনেডি কর্তৃক প্রতিষ্ঠিত এ সংস্থাটি ২০১২ সালে এর ৫০তম বার্ষিকী উদযাপন করবে। বিশ্বব্যাপী ‘ইউএসএআইডি’-র ১১০টি মিশন প্রতিটি দেশে বছরব্যাপী কর্মসূচীর মাধ্যমে এর ৫০তম বার্ষিকী উদযাপন করবে।

=====

জিআর/ ২০১১

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৮, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।